

黃鶴洞中仙詠瓦甌

瓦甌泥中寶巧匠功成造修鍊之時向鑪中內有金光照有耳
何曾曉有口何曾道攜向街前叫一聲莫教拋撒了

丹陽繼韻

瓦甌眞眞寶須假良工造十二時中下火燒自有三光照大肚
物能容圓正通明道清淨法身牢護持不敢破壞了

無夢令

贈丹陽

坐卧住行有別自是逍遙做徹大道本來眞驀地晒中歡悅無
說無說勘破春花秋月

丹陽繼韻

道藏輯要

重陽教化集

十

胃集二

人我兩無分別箇內須教瑩徹營養本來如漸覺眞歡眞悅親
說親說得見洞天明月

無夢令

春暖迴頭不肯直待九冬洗洗凍得不惺甦丹藥難爲救拯將
死將死卻覓長生且等

丹陽繼韻

人道休愁不肯迴首不過寒洗一志不榮身願把眾生提拯救
死救死救死心行平等

無夢令

啜盡盧仝七椀方把趙州呼喚烹碎這機關明月清風堪翫光